

一名江薺。「葍」音烏較反。懿行案：王逸注楚詞九歌云：「葍，白芷也。」廣雅云：「白芷，其葉謂之葍。」是郭所本也。說文云：「茝，薺也。楚謂之薺，晉謂之薺，齊謂之茝。」是茝、薺即江薺也。爾雅釋文引本草云：「蘼蕪，一名江薺，芎藭苗也。」是芎藭、江薺又爲一物。說文云：「芎藭，香草也。」案芎藭即鞠藭，左傳謂之「山鞠藭」。多泠石。「泠」或音「金」。未詳。懿行案：說文「泠」本字作「淦」，云：「泥也，从水，金聲。」與郭音合。「泠石」，蓋石質柔爽如泥者，今水中土中俱有此石也。端水出焉，而東流注于河。懿行案：水經注云：「圓水又東逕圓陽縣南，東流注於河。河水又東，端水入焉。水西出號山。」引此經云云。

又北二百二十里曰孟山。音「于」。懿行案：水經注引此經郭注，云「孟或作明」，今本脫之。「孟」，疑當作「孟」。太平御覽九百九卷引此經，正作「孟」。大戴禮誥志篇云：「明，孟也。」明、「孟」同聲，故「孟」或作「明」。其陰多鐵，其陽多銅。其獸多白狼、白虎，外傳曰：「周穆王伐犬戎，得四白狼、白虎，虎名魼。」懿行案：郭引外傳者，周語文也。藝文類聚九十九卷引郭氏讚云：「矯矯白狼，有道則遊。應符變質，乃銜靈鉤。惟德是適，出殷見周。」案「白狼銜鉤」見緯書。穆天子傳云：「爰有赤豹、白虎。」此注「白虎」下「虎」字衍，「魼」字衍。据爾雅云：「魼，白虎。」魼，黑虎。「此注或云「白虎名魼，黑虎名魼」，今本又脫「黑虎名」三字也。其鳥多白雉、白翟。或作「白翠」。懿行案：雉、翟一物二種，經「白翟」當爲「白翠」。生水出焉，懿行案：「生水」，水經注謂之「奢延水」，云「出奢延縣西南赤沙阜，東北流」，引此經「所謂